



# Synfocity = 1021

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

February 19, 2026

## ❑ Synod Revival Speaker-te pualin riahchilh intuatharna

Synod Revival Speaker-te tana buatsaih Intuatharna chu February 17-20, 2026 chhung hian Synod Conference Centre, Mission Vengah riakluta neih a ni.

Intuatharna programme hi February 17, 2026 (Thawhlehi) tlai dar 3:30 khan hawnna inkhawm neih a ni a, Rev. John Raldosanga, Synod Moderator-in Keynote Address a sawi a, hemi hunah hian Kulikawn Bial Zaipawl leh NI. Lalremruati te an zai a ni.

Intuatharna hun an hman chhung hian Revival Speaker-ten an rawngbawl zelna tur atana pawimawh thupui chi hrang hrang mi thiam ten an zirtir thin a, thupui zir ho bakah sawi hona neih thin a ni bawk. February 19, 2026 (Ningani) zan hian kharna inkhawm neih a ni dawn a, Rev. V.L. Luaia Hranleh, Senior Executive Secretary-in thu a sawi ang a, Seraphic Choir te an zai bawk ang. Revival Speaker-te hi February 20 (Zirtawpni) tukthuan ei khamah an chhuak ang.

Tun dinhmunah Synod Revival Speaker 60 (mipa 58 leh hmeichhia 2) an awm mek a, harsatna dang a awm a nih loh chuan Synod Revival Speaker-te puala riak luta Intuatharna hun hi kum tin neih thin a ni.

## ❑ KṚP Day

February 16 kha KṚP day a ni a, Central KṚP chuan hun eng emaw chen atang khan KṚP Day hman dan tur ruahmanna hrang hrang hetiang hian a siam a - Biak In hung chhung hmun remchang laia KṚP Flag tar, Biak In leh a vel tihfai, Veng chhung tihfai, mi harsa leh damlote tanpui, thisen pek leh a remchan anga KṚP thil tum leh thupui zir ho tih te an ni a, heng bakah hian branch-in mahni remchan dan angin an hman thin bawk.

Provisional Committee-in Synod Standing Committee-ah KṚP din an dil a, Synod Standing Committee chuan kum 1954 February 16 khan a pawm a, Synod Standing Committee-in KṚP a pawm ni hi KṚP din hunah pawm a ni ta a, KṚP a din atanga an Committee hmasak ber hi February 22, 1954 a ni.

Report hnuhnung bera a lan danin tun dinhmunah Bial 223 awmin Branch 907 a awm mek a, KṚP member 1,77,548 (mipa 1,07535 leh hmeichhia 70,013) an awm mek a ni.

## ❑ MSSU Day

February 20 (Zirtawpni) kha MSSU Day a ni a. Zosap Missionary, Zosaphluia (D.E. Jones) khan Sunday School hmasa ber chu February 20, 1898-ah Aizawlah a neihpui a ni. A din tirh chuan Mission Bangla bula in chhe te, biak in leh sikul atana an hmanah chuan Pathianni apiangin Zosaphluia chuan chawhma lamin Khasi Kristiante Bible thu a zirtir a, chawhnu lamah Mizo Kristiante a zirtir leh a. Kum 1917 atangin Mizoram Sunday School-te chuan Indian Sunday School Union (ISSU) hnuaiah Pathian thu exam-na an nei tan a ni.

Kristian hmasate chuan Pathianni chawhma inkhawm chu Bible chang sawi rual nan te, A AW B ziak leh chhiar zir nan te leh Pathian fakna hla zir ho nan te an hman thin a. Naupang leh puitlingin a huhovin an zir mai thin a ni. Ziak leh chhiar thiam an duh avangin Sunday Schoolah an inzirtir thin a. Mizo Kristian hmasaten ziak leh chhiar zirna atana Sunday School an hman ang hian kum zabi 19-naah khan Wales ramah pawh Kristianten Sunday School chu ziak leh chhiar zir nan an lo hman ve a, hma an sawnpui hle a ni.

2025 Sunday School inchhiarnaa MSSU dinhmun tlangpui chu hetiang hi a ni:

Zirlai zawng zawng - 4,54,432

Zirtirtu zawng zawng - 58,550

## ❑ Worship

◆ February 19-20, 2026 chhung hian Ṛawipui North-II leh Lawngtlai Chanmari-ah te Music Training neihpui turin Pu Benjamin Sailo, Music Instructor leh Tv. Zosangzuala, Music Trainer te an kal.

◆ February 21-22, 2026 chhung hian Cherhlunah Worship Seminar nei turin Resource Person-te, Rev. F. Lalhmingthanga leh Upa Vanlalhruaia te an kal ang.

❑ **Kohhran Hmeichhia**

February 17, 2026 (Thawhlejni) khan Kohhran Hmeichhia chuan Synod Hospital Charity Fund atan Rs. 12,35,188.00 chu Director, Synod Hospital kutah Rev. Dr. K. Lallawmzuala, Executive Secretary i/c Kohhran Hmeichhiain a hlan.

Hei hi kum 2025 Kohhran Hmeichhe Inkhawmpui Lian Rorel 'Synod Hospital, Durtlang Charity Fund leh John Williams Hospital, Lunglei tanpuina pualin vawi khat inkhawm ve ve thawhlawm lak khawm,' tia alo rel tawh bawhuina a ni.

❑ **MSSU**

◆ February 19, 2026 (Ningani) zan hian Sunday School Zirtirtu training neihpui turin Kulikawn Kohhranah trainer-te, Upa Lalsiammawia Pachuau leh Upa C. Lalbiaksanga te an kal ang.

◆ February 21, 2026 (Inrinni) hian Sunday School Zirtirtu training neihpui turin trainer-te hetiang hian an chhuak ang:

Goa	Upa K. Zoremsanga leh Upa Lalthanchhunga
Tuikhuahtlang Kohhran	Upa Hrilthansanga, Upa Lalsiammawia Pachuau leh Upa Dr. Lalhmachhuana
Selesih Kohhran	Upa K. Vanlalnghaka, Upa Zohmangaiha leh Upa Danny Lalremmawia

❑ **Social Front**

February 21-22, 2026 chung hian Zohmun Bialah Pianpun chungchang Awareness Campaign nei turin campaigner-te, Upa C.H. Thangkhuma leh Rev. Dr. Rualthankhuma te an kal ang.

❑ **Finance**

February 21-22, 2026 chung hian Tuithumhnar Bialah Finance Campaign nei turin campaigner-te, Upa P.C. Vanlalrova, Upa V.L. Zahawma, Upa C. Ramtharngaha leh Upa Vanlalsawma Siakeng te an kal ang.

❑ **Mizoram Christian College (MCC)**

February 13, 2026 (Zirtawpni) kha Mizoram Christian College (MCC)-a club hrang hrangte chuan 'Club Day' atan an hmang a, hetiang hian activities hrang hrang an nei:

◆ **Adventure Club:**

Adventure Club te chuan Reiek tlang leh Khuangchera Puk, Ailawng-ah "One Day Training on Caving and Rapelling" hun an hmang a, zirlai 53 leh zirtirtu 4 an thawk chhuak thei a ni. Inter-College Youth Adventure Club (ICYAC) leh Govt. Aizawl College Youth Adventure Club (GACYAC) member-te'n hrui suih dan te, khama uai dan te an zirtir bakah puk chungah an luhpui bawk a ni.

◆ **Agripreneur Club:**

Agripreneur leh Chuailo Cultural Club te chuan College-ah hun hmangin, he hunah hian Vinco Farm Director Pu Nicholas Vanlalhumhima'n hun a hmanpui a. A topic atan hian 'Turning Agriculture into Opportunity' thlangin, Agriculture products hmanga ngaihtuahna thar seng a, eizawna atana hman theih dan chungchang a sawi a. Zirlaite nen inkawm hona hun interactive session te neih niin, zirlaite atangin an business idea sawi chhuahna hun te hman a ni a, zirlaite hian an hlawkpui hle. He hunah hian Agripreneur Club leh Chuailo Cultural Club bakah Adventure Club ten an chhim bawk a, zirlai za chuangin he hun hi an hmang ho thei a, Vinco Farm lam hian an product te chu zirlaite hnenah a thlawnin an sem bawk a ni.

◆ **Art & Music Club:**

Art & Music Club te chuan Field Visit neiin Thenzawl-ah an kal a, zirtirtu 5 leh zirlai 42 an tel thei a ni. He field visit-a kalte hian MV Handloom Training Centre tlawhin, Mizo Puan tah dante thlir hona neiin, Mizo puan tah dan inhrilh fiahnate neih a ni bawk a, a kalten an hlawkpui hle. Chawhnu lamah zirlai leh zirtirtute hian AH & Vety; Dilpui tlawh lehin, he hmunah hian intihhlimna chi hrang hrangte neih niin, hun hlimawm tak an hmang.

◆ **Literature Club:**

Literature Club chuan 'Book Talk' an nei a, Pu F. Vanlalrochana, MPS hova hun hman a ni. He hun hi Aizawl Open Gym, MINECO-ah hman a ni a, MAL Book of the Year 2024 "Hun Inhera Kara Zofate" tih Pu F. Vanlalrochana ziak chungchang sawi hona hman a ni a, a ziaktu Pu F. Vanlalrochana leh zirlaite chuan zirlaite zawhna hrang hrang chhangin, lehkha chhiar hlutna leh pawimawhna a sawi. Hemi hnu hian Mizoram State Library tlawh leh nghal a ni a, section hrang hrangte tlawh kual niin zirlaiten an hlawkpui hle a ni.

❑ **KTP**

February 26-March 1, 2026 chung hian KTP General Conference, Saitual Public Playground, Saitual-ah neih a ni dawn a, conference thupui “Pathian tana mi hlang” Sam 119:1-3 a ni a, speaker Rev. P.C. Lalropuia a ni ang.

❑ **Presbyterian Pastor Pension Fellowship (PPPF)**

February 19, 2026 (Ningani) hian Synod Office, Devotion Hall-ah Presbyterian Pastor Pension Fellowship (PPPF) ten Annual General Meeting an hman. Programme hi hun hnihah thenin, chawhma leh chawhnuah te hun hman a ni. Chawhma hun hi Rev. Dr. C. Rosiama, PPPF Chairman-in a kaihrui a. Rev. Darkhuma, PPPF Member-in hunserh a hman a. Rorel a ni a, Secretary report, Treasurer report leh Audit report ngaihthlak a ni a, Hruaitu thar thlanna neih a ni. Chawhma hunah hian an member chatuan ram pan mi 8 sunna leh member thar 10 lawmna neih a ni bawk.

Chawhnu hun hi Rev. Dr. Zaihmingthanga, PPPF Vice Chairman-in a kaihrui a, Rev. Zosangliana Colney ziah 'Kan rama hnam dang lo lut pung zel dawnawn dan tur' tih thupui chu zir ho a ni a, hun tawpah Rev. Dr. R. Lalbiakmawia, PPPF Asst. Secretary-in lawmthu a sawi a ni.

Presbyterian Pastor Pension Fellowship-ah hian Pastor pension apiang an tel zel a. Kum tinin intawhkhawm hi an nei thin a, infuih tharna leh inpawh tlanna hun hlimawm tak an hman thin a ni.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlna pek a ni.

S.No	Khua/Veng	Pek chhan	Chhungkaw zat	Pek zat
1.	Khawhnai	Damlo	1	₹ 10,000/-
2.	Kawlbem	Damlo	1	₹ 10,000/-
3.	Rengdil Dinthar	Damlo	1	₹ 10,000/-
4.	Mamit Bazar Veng	Damlo	1	₹ 10,000/-
5.	Kanhmun Venghlui	Damlo	1	₹ 10,000/-
			<b>Belh khawm</b>	<b>₹ 50,000/-</b>

❑ **Hruaina Eng TV Programme**

<b>19.2.2026 (Ningani)</b>	08:30 pm : Thupui zir bing
<b>20.2.2026 (Zirtawpni)</b>	05:00 pm : Kristian Naupang Pual
<b>21.2.2026 (Inrinni)</b>	05:30 pm : Puitling Sunday School Zirlai
<b>22.2.2026 (Pathianni)</b>	07:00 am : Sermon - Upa B. Zohmangaiha 08:00 am : Weekly round up
<b>24.2.2026 (Thawhlejni)</b>	06:00 pm : Nilai zan thupui 08:30 pm : Kohhran Chanchin - Tuikual North Kohhran

❑ **FM Zoawi - Aizawl & Lunglei : Hruaina Eng Radio Programme**

**February 20, 2026 (Zirtawpni) @ 7:30 p.m. :**

<b>Solo</b>	: Liandingpuii - Hmangaih lal ram engmawi
<b>Zaipawl</b>	: Electric Veng Bial Zaipawl - Ka chakna a nih vangin
<b>Thusawi</b>	: Upa R. Thuamluaia - Hlau suh
<b>Solo</b>	: Lalrinawmi(Rintei) - Aw hmangaihna sawithiam ila
<b>Zaipawl</b>	: Hlimen Bial Zaipawl - Damna Isua

❑ **Moderator leh Executive Secretary-te Programme :**

**Rev. John Raldosanga, Moderator Programme:**

Feb. 26 - 1 March, 2026	KTP General Conference
March 6-8, 2026	Kohhran Hmeichhe Rorel Inkhawm

**Rev. V.L. Luaia Hranleh, Senior Executive Secretary Programme:**

Feb. 23, 2026	Revival Committee
Feb. 27, 2026	Social Front Programme
Feb. 28, 2026	Synod aiawhin LIKKBK Tuikhuahtlang Biak In hawnaah a tel ang

**Rev. Dr. K. Lallawmzuala, Executive Secretary Programme:**

Feb. 22, 2026 Luangmual Vengthlang Kohhran  
 Feb. 23, 2026 Trust Monitoring Cell Committee  
 Feb. 27, 2026 Social Front Programme

**Rev. Dr. Rosiamliana Tochwang, Executive Secretary Programme:**

Feb. 23, 2026 Meeting with ADF  
 Feb. 26 - March 1, 2026 KTP General Conference

**February 24-26, 2026 chhunga Synod Executive Committee (SEC)-ah Moderator leh Executive Secretary te an thu ang.**

**CKTP HRUAITU HLUITE SAWMNA**

Kristian Thalai Pawl General Conference vawi 61-na chu February 26 - March 1, 2026 chhung hian Saitual Public Playground, Saitual-ah neih a ni dawn a. Kristian Thalai Pawl tun dinhmun a thlen theihna tura Pathianin hruaitu tha tak tak min lo pek tawhna te hre rengin; Central KTP Committee 797:VII (7) of 16.2.2026 chuan, "Central Kristian Thalai Pawla hruaitu lo ni tawh zawng zawngte General Conference min hmanpui turin sawm ni se," tiin a rel a.

Kum 2026 KTP General Conference hi in remchan dan ang anga min rawn uap turin kan ngen a che (u). Kan beiseina te hi in rawn tihhlawhtin theih chuan kan lawm em em ang.

Sd/-  
 (Upa Lalzarmawia)  
 General Secretary  
 Central Kristian Thalai Pawl

**RAWNGBAWL HNA RUAK DIL THEIH**

A hnuai tarlan rawngbawl hna hrang hrangte hi Mizoram Presbyterian Kohhran hnuai a ruak a. Mizoram Presbyterian Kohhran mi, rawngbawl tura Pathian kohna hria, kum 18-35 inkar, ni 31.3.2026 (Zirtawpni) a kum 35 la pumhlum lo, zuk leh hmuam leh ruihtheih thila fihlim tan dil theih a ni. Dilna form hi Synod Service Board, Aizawl leh Synod Office, Lunglei atangin lak theih a ni ang a. Synod Service Board Office, Aizawlah thehluh leh tur a ni. Dilna form man Rs. 20/- a ni a, dilna form-ah hriat tur pawimawh tarlan a ni.

**Synod Hospital-a thawk tur (Contract)**

1. **Hna hming : Maintenance Technician (1)**  
 Thiamna : PUC/HSSLC of any recognised university with ITI Diploma recognised by government  
 Hlawh : Synod hnuai Maintenance Technician contract hlawh
2. **Hna hming : Driver (1)**  
 Thiamna : Class VIII Certificate holder having a valid professional driving license (LMV & HMT)  
 Hlawh : Synod hnuai Driver contract hlawh

Dilna form hi ni 10.2.2026 (Thawhlehi) atangin lak theih a ni ang.

Dilna hi ni 10.3.2026 (Thawhlehi) dar 3:00 pm thleng thehluh theih a ni ang.

Written test : Ni 20.3.2026 (Zirtawpni) dar 10:30 am

Written test neihna hmun tur chu la inhriattir leh a ni ang.

Interview : Ni 31.3.2026 (Thawhlehi) dar 10:30 am.

Sd/-  
 Rev. V.L. Luaia Hranleh  
 Secretary  
 Synod Service Board

